



Anni sancti Mensis sextus Junius.

1. **J**oannes Berchmannus totus in id incubuit, ut B. Aloysium imitaretur: hinc vitam ejusolvebat assidue, & minimas quasque virtutum actiones in se exprimere conabatur: adeo feliciter finem suum assecutus, ut non alio quam Aloysii nomine compellaretur. *Ex Vita.* Renova propositum imitandi sancta piorum Adolescentium & Sodalium exempla, precipue ea, quæ ex B. Aloysii vita plura hoc mense proponuntur.

2. Beatus Aloysius orationi mirum in modum deditus erat: hanc primo mane orditur: Hanc noctu, tempore etiam frigidissimo continuat; & licet animo deficeret, corpore obrigesceret, nunquam tamen consuetas preces omisit. Orantis vero mira erat modestia. Orationis tempus deliciae ejus unicae. Assueverat orationibus adeo ut in angulis sæpe reperi- tus, tantum angulis diceretur colloqui. *Ex Vita.* Multa habes, quæ hic imiteris precipue hæc: 1. Matutinas & Vespertinas preces nunquam negligere. 2. Nunquam tardii ullius vel modestiæ metu omittre preces consuetas. 3. Modestiæ sub precibus memento.

3. Mi-

3. Miles Adolefcens jurandi execrandique confuetudinem contraxerat : Monitus ut eam corrigeret, id fibi impoffibile effe respondit. Ergo Sacerdos poffibilitatem oftendurus ei oftendit nummum aureum, hunc ei promittit, fi horâ unâ abftineret ab execratione. Et revera fpe nummi hujus abftinuit, licet per castra fociorum militum ductus non unam habuiffet execrandi occafionem : agnovit ipfe dein nullam fuam fore coram Deo excufationem, nifi fe emendaret : emendavit. *Segneri.* Agnofce & tu, nihil tibi coram iudice tuo, fupereffe excufationis. Affuevifti peccato alicui : contrariâ confuetudine bonâ corrige.

4. Neapolitanus quidam Sodalis injuriam fratris occifi neque privatim vindicare, neque publico iudicio perfequi voluit : fed amore B. Virginis ita remifit, ut adlegi inter Sodales vellet illum, à quo offenfus erat, ne fcilicet facile adeò ad peccandum alliceretur. *Lehm.* Hoc ille egit amore B. Virginis, Potens hoc fuit remedium etiam duriffimos peccatorum animos emolliendi. Poteritne & tuum emolliere ? quid ages amore B. Virginis ? an nimium peto, fi peto ut amore hujus Patronæ tuæ condones levem fortè injuriam ? ut fuperiores moleftiam aliquam in furgendo, orando, ftudendo occurrentem ? non amas fanè B. Virginem, fi hoc ei deneges.

5. Colonia juvenis infano puellæ cujufdam Lutheranae in uxorem ducendæ defiderio tene-

batur. Hac cum nonnisi desertâ fide frui posset, pactum nefarium inire non horruit, fidem se deserturum promisit : Ad tantum scelus per minora deductus fuit. Ex quo enim lascivo amore ardere cœpit, devotione omni relicta, matutinas etiam & vespertinas preces negligere, sacramenta rarius frequentare cœpit. Pacto illo nefario inito domum rediens in B. Virginis effigiem de muro pendulam oculos conjicit, & mirum dictu ! tristiores solito advertit Virginis vultum, quin has percipit in animo voces : Ergone matrem tuam hucusque cultu præcipuo amatam desereres jam deinceps miser ? Pupugit miserum vox ita : Sed aderant, qui decretas urgerent nuptias. Bis statuta erat dies, quâ suam ad sponsam contenderet : bis disponente ita Deo aquis latè stagnantibus prohibitus fuit. Interea voces eadem à B. Virgine in animo repeti advertit ; quare ut hac se monitrice liberaret, imaginem cubiculo excludit. Sed nec sic exclusa indignissimè Dei Mater ab impio monendo terrendoque prohibita. Repetebat illa voces suas, remedium etiam addebat : Vade, confitere ! & expugnavit denique obstinati animum, commovitque, ut peccata omnia expiaret, rescisso pacto nefario salutis rationem haberet majorem ; nunquam sine lacrymis recordans matrem adeo clementem turpiter adeo à se despectam. *Ann. S. 7.* Dubita, si potes, an Maria salutem juvenum quærat : etiam contempta, etiam de-

deserta, monet, urget, instat, emendationem postulat. An non eadem circa te & animam tuam egit! quas ei gratias referes? An & deinceps matrem tuam hanc deseres? illud etiam age, B. Virginis imaginem ob oculos pone, illam in dubiis consule, illi obtempera. Demum observa: à B. Virgine est vox: Confitere; à Dæmone est: Tarda, differ, morare? cui tu obsequeris? Exemplo alio docuit B. Virgo omnia non modo peccata, sed etiam tentationes & pericula aperire confessario. Hanc tu doctrinam animo tene.

6. B. Aloysius librum spirituales legēbat indies, statim imitatione laborans exprimere, quod legerat. *Ex Vita.* Imitare saltem in hoc: dies festus, dies dominicus nullus abeat, quo non quadrantem unum des lectioni spirituali. Idem age pridie S. Communionis. Tot horas rebus aliis inutilibus impendis, cur non tantillum animæ tuæ?

Ptolomæus adolescens divino actus spiritu eremitum petierat: exactus aliquot annis pravorum consiliorum abductus vitam sanctè coeptam deserit, indulget genio liberè, tempus omne convivio, lusibus, otio consumit, Monitiones aliorum contemnit, inspirationes internas, quas sensit crebras & vehementes, aspernatur. Tulit Deus impietatem per menses aliquot: inde protervior factus Ptolomæus in omne iam scelus præceptis coepit ruere, nihil non audere; sed quam distulerat pœnam Deus, tandem inflixit valde terribilem: Dum scelus novum parat infelix,

adeſt carnifex ſtygius, miſerūmque fruſtra cœlos in-
feroſque exectantem præfocatum rapit ad Tartara.
Spec. Ex. Hunc ſortita ſinem eſt inconſtantia. O
ſtudioſe, quem tua ſortietur! an non & tu cum
Deo luſiſti abunde! An ſemper ludere te poſſe cre-
dis? Time, time. Differt non auferi poenam
Deus.

7. B. Aloyſius ſingulari oculorum modetiā
enituit: per tres annos Imperatricem in dies
inviſere coactus, nunquam tamen faciem ejus
intuitus eſt. Demiſſos ſemper tenebat oculos,
adeò ut quĩs oculorum ejus color eſſet, à do-
meſticis etiam neſciretur: quod ipſum etiam
de Berchmanno legitur. Ex vita. Oculorum
cuſtodia caſtitatis præſidium eſt, cave hoſ in
aliorum, præcipuè fœminarum, vultu deſigas.
Mors per fenetraſ has ſæpiſſimè intravit. Ten-
tationeſ innumeraſ incautus unus oculorum
jactus non raro excitavit.

8. Mexicanus Sodalis poſt diuturnas, quas à
muliere paſſus fuit, tentationeſ, dulciaria quæ-
dam ab ea accipit munuſculi loco. Admittit
imprudens, eorum pulchritudine captus jam-
jam ori ad movere parat, cum ecce occurrit co-
gitatio: diem Sabbathi eſſe, quo in honorem
B. Virginis jejunare ſolebat. Vicit amor B.
Virginis: dulciaria in diem alterum ſervanda
viſtæ includit, die altero ea ſumpturus advertit
veneno infecta, jam vitiata, hoc enim quæſie-
rat mulier impudens, ut vitam extorqueret
hac ratione ei, cui pudorem extorquere non
po-

pöterat. *Sod. Parib.* Pericisset miser, nisi ante
 re B. Virginis gulam frænâsset. Vicit is se amo-
 re Virginis. An non & similes tibi sunt occa-
 siones, in quibus gulam mortificare possis? Je-
 junium enim suadere vix ausim, ut suscipias;
 quod tamen ab Aloysio, Stanislao, & omnibus
 fermè Mariæ clientibus susceptum scimus.

9. B. Aloysius ut agnitam vocationem tanto
 felicius obtineret, duo hæc adhibuit remedia.
 1. Assiduam & quotidianam devotionem er-
 ga B. Virginem. 2. Mortificationes, in jejniis,
 flagellationibus etiam cruentis. His ille mediis
 Deum & Patrem in vota sua flexit. *Ex Vita.*
 Imitare. Non satis est agnoscere vocationem:
 implenda est. Ut impleas, recurre ad B. Vir-
 ginem, adhibe preces, mortificationes, &c.
 Cave, cave communem illum studiosorum er-
 rorem, quo decepti licere sibi credunt omnia
 antequam vocationem suam obtineant Reli-
 gionem intrando. Non unus hæc ratione
 periit.

10. Murciensis Sodalit acerrimè tentatus in
 castitate, ut cogitationibus se liberaret, in cam-
 pos exiit. Adest Dæmon personatus; causam
 mororis quærit: quâ intellectâ ait, nullum se
 legisse medium præstantius, quam vitam sibi-
 met rapere; offert laqueum, ut tædiorum fi-
 nem faciat, hortatur. Adolescens: prius, ait,
 Confessarium oportet consulere: tum fremen-
 te Dæmon, minati varia, denique evanescere.
 Sodalit ad Confessarium abit, tentationes, &

rem omnem edocet, liberatur. *Sod. Parth.*
Tentationes si quas pateris sincerè aperi. Ti-
met Dæmon manifestari. Pereat pudor, salve-
tur anima.

11. Adolescens invitis parentibus ad Reli-
gionem abierat, revocatur à Patre, eo quod de-
licatè nutritus Religionis asperitatem ferre
non posset. Ille sapientissime reposuit: vel eam
ipsam ob causam Religionem intravi, quia deli-
catè nimium nutritus tormenta inferni ferre
non possum, quæ tamen subire cogar, si inter
tot sæculi pericula perstitero: hinc eligo ferre
leviora in religione, ne cogar graviora in orco.
Platus. Salubris cogitatio. Studiose mi; mor-
tificationes horres, quia delicatus es! Ah am-
plectere eas, ut evadas tormenta Tartari. De-
licatus si es, quomodo feres terribilia illa, &
nullo unquam fine concludenda?

12. Juvenis quidam de vitio aliquo supe-
rando desperabat. Errorem correcturus Deus
ostendit ei in somno gigantem immanem,
quem jubebatur ab Angelo aggredi, & vincere:
Cum verò juvenis terrore percussus victoriam
sibi esse impossibilem diceret, respondit An-
gelus, invaderet generosè, se mox auxiliatrices
manus esse juncturum; quod & fecit: junctis
ergo viribus monstrum oppugnatum, victum
est, ut disceret juvenis, paratum semper esse
Dei auxilium, cui si cooperari homo vellet
consuetudinem omne facile posse extirpari:
Vit. P.P. Studiose mi, noli terreri à scelerum

vel

vel multitudine vel enormitate vel diuturnitate. Magno animo aggredere: Extirpabitur consuetudo. Non potes tu solus? at gratia Dei tecum potest: huic junge robur tuum, & laborem. In Deo meo transgrediar murum, agebat David.

Tragicum orbi studioso exemplum factus est Ernestus Ephebus Herbipolensis principis. Speculum innocentia ab initio erat; seductus à consanguinea detestanda didicit fecitque. Ipsi etiam Demoni demum se devovit, Magia & Veneficiis vacans. Accusatus & emendationis futura spe traditus Patribus Societatis, dein & Franciscanis, spem singulorum fefellit, semper abjectus sacris lipsanis ad dilectas adeò artes magicas conversus. Accusatur denuò, fertur sententia, ferro addicitur, quod & infelix excepit, nullo prorsus doloris edito signo. Fusè lamentabilem eventum refert Pexenfelder. Usque eo deducine potest studiosus & quidem innocens ab initio? usque eò ut nullâ habitâ ratione temporalis aeternaeque poena à peccato non desistat? ah haerresce, & pietati tuae, si quam habes, non confute; unus socius pravus deturbare te potest in abyssum scelerum & tormentorum.

13. B. Aloysius etiam adhuc puer indies ad aram facienti sacerdote assistit, nec sine lacrymis, quas tanti consideratio mysteriorum expressit. *Ex Vita.* Imitare. Statos habe dies, quibus tale Deo Eucharistico obsequium exhibeas, sed reverentiâ eâ, quæ tantum decet mysterium.

14. Godefridus postea Bambergæ & Herbi-

poli Episcopus iustus à moderatore certam domum adire, in qua antea tentatam per improbos castitatem suam noverat, potius moriturum se affirmabat, quam locum illum repeteret; promptum se in ceteris omnibus fore, in hoc uno non posse. *Drexel.* Imitare constantiam in fugienda occasione peccandi; scis locum illum pietati, castitati inimicum; expertus es ibi tentationes; noli repetere. Amans periculum peribis in illo. Idem judica de socio, quem expertus es loquentem turpia, inhonesta suadentem, invitantem ad loca illicita. Aliud si agis, parum abes à lapsu, parum ab interitu.

15. S. Vitus adolescens à Patre ipso ad Christum deferendum tum promissis, tum minis invitatus. Ego ait, Dæmonibus non assentior; neque sculptilibus venerationem impendo; flocci facio regnum & divitias tuas. *Spec. Juu.* Vox immortalitate digna! tua sit eadem ad socios pravos, ad Dæmonem, aut si quis alius te à Christo, à pietate, à templo à studiis avocat. Nota etiam. S. Vitus ipsum adeo Patrem vocat dæmonem, quia ad peccatum invitando Dæmonis officium fecerat. Dæmon est & Dæmone deterior ille tibi adeo dilectus Sodalis, quocum otiosi, ludere, versari in cauponis, loqui inhonesta, peccare soles.

16. Juvenis peccator in campos exierat, confuetae suae vacaturus libidini: Occurrit ei in via Dæmon, cujus nescio speciem mentitus, & ad

genē-

generosè ita pergendum animavit. Paulo post & Christus Salvator ei videnda exhibuit, ostentiosisque sanctissimis vulneribus, ut à peccato abstineret, monuit; addens paratum jam esse dæmonem, qui collo infracto animam ad infernum raperet, si peccatum tale denuo perpetrare præsumeret. Motus Salvatoris bonitate impius, humi prostratus veniam rogat, vitam priorem deflet, cœnobium petit, constanter Deo serviturus: Sæpissimè Dei in se clementiam laudans & extollens. *Spec.* Lauda & extolle & tu non minorem Dei in te clementiam: Quod necdum hareas inter inferos, quod in peccato illo, in illa consuetudine mortuus non sis, Dei clementia est: non vult mortem tuam; habes, quod gratias agas in dies. An verò & agis? examina vitam tuam. Quid obsecro fecit Deus tuus, ut protervè eum ad eò offenderes! Clementia ejus ad vitam bonam non movet? justitiam time, monet interius in corde tuo clementia Dei, ut absistas à loco illo, caupona illa, consortio, peccato illo: pergere si audes; aderit justitia divina: hæc jam stygium paravit fortassè satellitem, qui te in scelere primo ob truncatum ad ignes perpetuos dejiciat. Time.

7. Apud urbem Tabaensem fratres duo pro fide torquebantur: primus dum alterum supplicio frangi videbat, & ad defectionem inclinare; sic eum allocutus est; Noli, noli frater hoc agere, non ita juravimus Christo: accusa-

bo te, cum antethronum ejus terribilem venerimus, si deficias, & monitis meis non obsequaris. His vocibus animatus alter tormenta forti animo ad finem sustinuit. *Spec.* Imitare constantiam : iisdem ego te verbis compello : Noli, noli frater ita vivere, non ita promissisti Deo : te ego coram tribunali divino accusabo, si tot labores meos & monita nihil in te profecerint.

18. Sodales tres in campum se contulerant animos quo nescio modo recreaturi. Paululum temporis abierat, subito densari nubes aër obtenebrescere, mugire cœlum, frequentia inter alternos boatus fulmina discurrere ; resonare vox tragica ! Feri, feri ! cadit fulmen : eliso è sociis uno reliquos omnes metu consternat. Nova inde exaudiri murmura, resonare vox nova : Feri ! feri ! cadit fulmen alterum examinat juvenem. Tertius similia sibi eventura ominans, erectis in cœlum oculis : voce supplici Virginem invocat, clamat : sub tuum præsidium, &c. Vix finierat, auditur tertia vox tragica : Feri ! feri ! Sed aliæ audiræ voces : Non possum quia ad Mariam confugit. Servatus igitur illæsus Matri Virgini totum se dedicavit, vitam cœpit sanctissimam. *Pexenf.* An minorem tibi causam esse credis vitam vivendi sanctiorem ! O quoties divina intonabat Nemesis : Feri ! feri ! jam parabatur fulmen impio tuo capiti : Mater gratiæ prohibuit. Age gratias, vitam, quam ei debes, totam ejus nutui consecra,

Ado-

Adolescens Anonymus animum ad ordinem religiosum adiecerat, sed mundi Vanitate abstractus, de die in diem sanctiora consilia distulit. Huic in somnis apparuerit Christus Iudex, Sancti apostoli Petrus & Jacobus. Iudex voce hac terribili auditus alloqui sanctum Petrum: dele illum de libro Vita. Et deletus esset, nisi sanctus Jacobus adolescentis patrocinium suscipiens, ob cultum quo à iuvene honorabatur singularem, iratum iudicem & sententia dimovisset. Vidit hac in somno juvenis & inconstantiam deplorans conceptum vita sancta propositum implere festinavit. Spec. Exemp. Dele illum de libro vita. Vox tremenda! time hanc, si in propositis implendis tardus es & inconstans. Abominabile est in oculis Domini promittere & promissis non stare: proponere & fidem non servare. Ne in te terribilis adeo feratur sententia, constans esto.

19. Stephanus quidam studiosus multos in sceleribus annos vixerat Dei hominūque contemptor: id unum in eo pium remanserat, quod speciali affectu S. Magdalenam prosequeretur, cujus festum devotè colebat pridie jejunando, &c. Et hoc salutis occasio ei fuit. Apparens quippè S. Magdalena serio ad expianda scelera hortata est. Obsecutus Adolescens vitam deinceps sanctam egit: moriens à S. hac Patrona sua invisī & confortari meritis. Spec. Sanctorum cultum cordi habet, sed eum scito esse optimum, qui conjunctus est fugæ peccati. Amas Patronos tuos? eorum opem desideras? amore eorum fuge hoc aut illud peccatum tibi magis familiare.

20. Josephus Spinellus Adolescens B. Aloysio devotissimus præter alia in honorem hujus, pridie festi B. Aloysii jejunare solebat. Præmium tulit amplissimum. Toto morborum examine obrutus linguæ, pedem, aliorumque usu destitutus ad B. Aloysium confugit. Hic sapius eidem apparuit, sanavit eum stupentibus omnibus. Notabile est, quod linguæ usum ei restituens dixerit : Josephhe, vult Deus ut honori suo tuam consecres linguam laudando eum & benedicendo ; Cave ne illâ abutaris in ejus offensam. Quotidie renova propositum tendendi ad sanctitatem. Perijt etiam ut post S. Communionem mediam horam impenderet orationi. *Ex Actis.* Tantillum obsequium placuit B. Aloysio. Quid tu ages ? gratissimum ages, si data ab eo documenta observes.

21. B. Aloysius raram ad eod castitatis gratiam consecutus fuit, ut ipse ejus conspectus in aliis tentationes contrarias extinguere. Hinc præcipuus castitatis Patronus, uti & deliberantium de statu vitæ agnitus est hactenus. Talem experti sunt plurimi uti in actis sanctorum videre est. Blandæ erant voces Patroni hujus, quibus allocutus est Wolfgangum ab Asch clamantem : O B. Aloysi ! an nunc me deseret ; voces inquam hæc : fili non deseram te : Neque deseruit, ipse factus spectabilis Dux in itinere dubio. *Ex Actis.* Invoca hodie beatum hunc fiducia, quâ par est à te coli Patronum studioforum. Commenda ei castitatem & vocationem tuam.

22. Her-

22. S. Hermenegildus hanc protulit digna immortalitate vocem : salutem meam rebus cæteris potiore habeo, pro qua, si res feret, paratus sum sanguinem, vitamque profundere, Simile est quod B. Aloysius suis famulis valedicens dicebat : Statuo animam meam curare ; Vos similiter agite. *Ex vita.* Tu similiter age, senti, loquere. Negotium hoc tuum unicum & summum est : Salus tua, salus animæ tuæ quid spectant studia tua ? quid labor ? tua vitæ ratio, quam tenes, an ea est, quæ animæ curam indicet ? Si animam curas, cur non emendas ea ; quæ animæ nocent ? an non saltem hodie emendabis ?

23. Adolescens Italus nobilis in rixa grave vulnus acceperat. Plaga pecuniæ multum consumpsit, nec tamen obducta est. Ergo ad Mariam confugit Adolescens, voveret Lauretanum iter & emendationem, si convalesceret. Convaluit, sed voti & emendationis inmemor vixit. Tacita ei vox allabitur. Lauretum vade : Votum exsolve. Obedit ergo : Lauretum adit, offert munera, sed Confessionem horret, ne emendare se cogeretur. Ergo conscientiam stimulantem nunc templum, nunc tabellas votivas contemplari ; nunc Confessionale inspicere, nunc templo egredi, nunc ad illud redire. Triduo toto sic exacto, dum Missæ sacrificio interest, vocem rursus è cælo percipit, cunctationem increpantis : Confessionem jubentis. Paruit tandem, confessus est, è luto fœdissimo emerit, pœnitentiam amplexus rigidissimam.

Tursel.

Tursel. Quàm sancta B. Virgini obtulisti desideria? quàm sancta promissa? ubi executio? ubi impletio? an non eadem vox tibi allabitur: Votum exsolve: Sta promissis: age pœnitentiam. Quousque ergo tardabis? Cur temetipsum angis? Excute moram, ad Deum convertere.

24. In Lusitania Adolefcens Ægidius & sanguine & scelere nobilis extitit. Ut sceleribus vacaret liberius, artem medicam discere statuit. Hinc Parisios abit. In via obvium habet dæmonem personatum, à quo ad antrum prope Toletum deductus edocetur, artes magicas ejuratis antè sacris omnibus. Exacto ibi Septennio toto Parisios abit, de scelere in scelus ruit. Objicitur ei aliquando Eques Cataphractus, vibratâ lancea formidabilis (Angelus erat à B. Virgine submissus) qui terribili eum hac voce affatur: Desine tandem hanc vitam morésque tuos. Redi ad mentem. Concussus paululum, sed mox ad flagitia redit. Redit eques, voces repetit, & tandem emollitus exclamat: Dedo me, faciam quidquid jusseris. Sic Saulus alter ad meliora compulsus vitam cœpit sanctam, utque constans esset, religionem adiit. Chartam, in qua perfidus dæmoni se obstrinxit, à dæmone recepit per B. Virginem *Horr. Mar.* Desine tandem hanc vitam morésque tuos, ô Studiose: Sic B. Virgo imperat: Desine, fac quod Maria, quod constantia jubet.

Breve, sed tragicum est, quod narro. Adolefcens distractionibus, sermonibus impuris, & similibus lin-

qua vitiiis affuetus, dum ad extrema deductus est, & ut seriam ageret pœnitentiam, monitus, frustra-nea ista omnia esse clamabat. linguam manu designans: ista, aiebat, lingua pessima me damnavit, quo dicto mortuus est impœnitens. Flor. Ex. Ista lingua pessima me damnavit. Ah! Ah! si referari contingeret inferos, quot Studiosorum lamenta eadem audiremus? O lingua pessima! ô sermones impuri! quot adolescentum ruina exitiistis? Tibi, tibi, ne ruina sint & exitii causa, attende. Ita rogo te per animam tuam, sciens & nimium sciens, quam communis hac sit, quam pernitiōsa labes iuventutis studiosa. Time linguam tuam: Time: sermo unus turpis damnare te potest.

25. B. Aloysius difficultatem in studiis sentiens illicò ad orationem convertitur; Concionem paraturus ad Venerabile confugit: hac ille ratione præsentem in studiis opem expertus est. Ex vita. Experireris & tu, si eodem modo studia tua susciperes: quid prohibet, quin occurrente aliqua in studiis difficultate ad orationem, ad B. Virginem confugias, eam verbis illis inclames, quibus S. Ignatius solebat: Monstra te esse Matrem. Verè dixit Berchmannus: Observa tu Deum, & Deus observabit te. Invoca Deum, opem Sanctorum, & tum laborem aggredere; felix erit.

26. Anonymus Adolescens Ægyptius seriam & constantem acturus pœnitentiam, tumultu vivum se incluserat. Molestissimè id tulit demon; ergo ad Patrias ædes revocare laborabat: fraudes varias, denique & vim, verbera, plagas

gas inferbat. Sed petit infracta juvenis mens : hoc unum reposuit : Malo mori, quam vobis obsequi. Vicit hâc ratione dæmones turmatim tentantes, qui non sinè fremitu in fugam agebantur ululantes. Vicisti nos? vicisti nos. *Spec. Ex.* Solam timet constantiam dæmon. Bona proposita, Confessiones non timet. Ad priora consortia, loca, occasiones conatur revocare, facilem sibi deinde promittens victoriam. Quid tu? Imitare: Sit hæc tua ad dæmones, ad consuetudines, ad socios vox: Malo mori, quàm peccatum hoc repetere, hoc violare propositum. Et præstat certè constantiæ immori, quàm ab ea deflectendo vindicem Dei manum provocare. Statue.

27. Joannes Baptista innocentiam conservaturus, patriam deserit, eremum petit, vino abstinet *Vita.* Ecce remedia servandæ castitatis & innocentiae. Imitare in hoc: Fuge socios suspectos: abstine deliciis: fræna gulam: fuge vinum immodicè sumtum: Hæc si agis, aderit Divina bonitas, castitatem proteger.

88. B. Aloysius licet ex natura ad iram & impatientiam pronissimus nunquam tamen vel asperiore verbulo allocutus est alterum, nunquam cum ullo notatus est contendere. *Vita.* An leve hoc tibi videtur insitam à natura passionem hac ratione compescere? Ergo tanto facilior erit imitatio. Vide hodie, quæ in te dominetur passio, quæ inclinatio? & in ejus extirpationem totus incumbe. Una passio indomita cœlum tibi occludere potest.

29. Wolfgangus ab Alsch speciali devo-
ne B. Aloysium persecutus plurima & rarissima
ab eo accepit beneficia. Iter faciens à latroni-
bus sex invaditur ; invocat B. Aloysium verbis
supra relatis, & audit : Fili non deserere ? Ap-
parer Aloysius, defendit contra latrones, & pau-
cis verbis : an noverint Christianos se esse ; in
fugam agit. Vitam totam cum Wolfgango
peragit, instruit, oculorum sanitatem, memo-
riæ firmitatem admirabilem eidem elargitus est.
Quod & aliis ferè innumeris fecit. Unum prævum
socium sequenti ait : Cave ab homine isto, qui
te ad interitum ducit, me venerare. *Vita.* Om-
nia eo fine, studiose mi, ut speciali affectu San-
ctum hunc sequaris; præcipue pete ab eo quod
P. Corbinellus : Beate Aloysi ora pro me, ut be-
ne moriar. Latrones te morientem circumda-
bunt : Viam ignotam ingredi cogéris : roga
B. Aloysium, ut tibi adsit, te defendat.


30. Bisuntinus sodalis quidam ad extrema
deductus, multis, gravibusque à dæmone ten-
tationibus agitur, suum non peccandi propo-
situm identidem renovabat ; inquiens : Non
te offendam Domine : non te offendam Do-
mina. Dein ad B. Virginem conversus. Opi-
tulare, ait, Domina ; opitulare ! & opitulata
est sanè B. Virgo, tentationes discussit, eum
consolata suavissimè ; adeo ut paulò post felix
exclamaret : Victoria ! Victoria ! hanc scili-
cet de styge retulit invictus pugil ope Virginis.
Man. Sod. Optas & tu similem moriens referre ?
ad B. Virginem convertere ; hujus opem in-
clama.

clama. Ut autem securè inclames, sit illud jam
statum propositum: Non te offendam Domina;
non offendam: Statue non offendere magnam
hanc Dominam per peccata tua; & opere ipso
exequere: Domina clementissima non deest.

*Terribilem peccati unius malitiam propono. &
tremendam consuetudinis prava vim: Adolescens
Roma turpi assuetus flagitio vixit, quod à sociorum
uno didicerat. Sapè confessus, sapè relapsus. Vim sibi
ad extirpandam consuetudinem inferre noluit.
Adest vindex Deus, gravem corporis morbum im-
mittit Juveni. Et profuit sanè: nam juvenis seriò
jam detestari vitam præteritam coepit, sancta omnia
proponere, confiteri dolore contrito peccata omnia.
Munitus Sacramentis omnibus circa Vesperum, ma-
ritur de nocte. Confessarius die altero Sacrum lectu-
rus pro eo, vi occulta prohibetur, & tandem ab in-
felici adolescentis animâ monetur; cessaret orare:
actum de se aeternum. Causa hac erat: Expiatâ be-
nè conscientia, occurrebat ei recordatio peccati à se
toties admissi; & quâ nescio voluptate ductus id
denuo secum ipso perpetrat, perpetrans iusto Dei judi-
cio moritur, damnatur. Pexen. Terribilis in iudicio
Deus! ob peccatum unum hoc (cetera enim remissa
erant) aeternum pati inter inferos! Ah Studiose ex-
pergiscere, & statue nihil leve esse peccatum mortale,
præcipuè contra Castitatem; utinam, utinam non
familiare pluribus! Time etiam consuetudinem, si
eam non evellis maturè: poterit hac te etiam post
Sacramenta omnia risè suscepta deturbare ad Tar-
tara.*

© The Tiffen Company, 2007

TIFFEN® Gray Scale



Centimetres

TIFFEN® Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

Inches

